



Laci ka thëlluar krizën e Tiranës duke i mposhtur bardheblutë me rezultatin minimal 1-0. Skuadra nga kryeqyteti nuk ka lënë dot vendin e fundit duke pësuar një tjetër humbje. Laci ka patur shumë mundësi shënimi por portieri i Tiranës nuk ka lejuar me shumë se goli i shënuar nga Kastrati. Kurbinasit me këto tre pike kanë marrë vendin e tretë në tabelë me 19 pike duke parakaluar Kukësin. Tirana është zhytur edhe me shumë dhe pas javës së 12 mbetet e fundit me 10 pike e rrezikuara kryesore për të rënë nga kategoria. Flamurtari me shumë vështirësi ka kaluar Vllazninë duke marrë fitoren e katërt rradhazi në kampionat për të lënë zonën e ftohtë të klasifikimit. Në një terren të rënduar nga reshjet e shiut, futbollit në fushe ka qenë mjaft i vështirë por pavarësisht kësaj, në fund vlonjatët kanë festuar tre pikët e çmuara. Te përjet në avantazh kanë kaluar vendasit me një 11-metersh që është shënuar nga Hair Zeqiri në minutën e 15'. Pas tij ka barazuar Hajdari në minutën e parë shtesë të pjesës së parë duke rikthyer barazpeshën. Në pjesën e dytë kuqëblutë kanë patur disa raste të pastra me Seminen dhe Bushic por lojtaret e Vllaznisë kanë shpërdoruar. Ate që se kanë bërë shkodranët e kanë realizuar lojtaret e Flamurtarit që kanë shënuar me Abilalaj në minutën e 72' dhe 79' me anë të Zeqirit për të siguruar fitoren.